

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第七九冊

補編第七十九冊目次

蕭輝山存稿一卷附葦菴稿一卷

〔元〕蕭國寶撰
南京圖書館藏舊鈔本

一

十笏草堂詩選十一卷（存五卷）辛甲集八卷上浮集四卷

〔清〕王士禛撰

北京圖書館分館中國科學院圖書館藏清初刻增修本

十四

梅莊集七卷文集一卷

〔清〕張遠撰

中國科學院圖書館藏清康熙刻本

一九一

有蘭書屋存稿四卷

〔清〕石球撰

南開大學圖書館藏清乾隆二十六年刻本

一九四

中州啓劄四卷

〔元〕吳宏道撰

南京圖書館藏清愛日精廬鈔本

三三七

粵風續九五卷

〔清〕吳洪輯

杭州市圖書館藏清康熙二年刻本

三六九

詞學全書十四卷

〔清〕查繼超輯

北京大學圖書館藏清康熙十八年刻本

四一七

蕭輝山存稿一卷附葦菴稿

一卷

〔元〕蕭國寶撰

南京圖書館藏舊鈔本

附《四庫全書總目·輝山存稿一

卷》提要

蕭山存稿一卷附葦菴稿一卷
元吳江蕭國寶撰 附目二卷
汪西名藏

蕭山存稿一卷附葦菴稿一卷
元吳江蕭國寶撰 附目二卷
汪西名藏

蕭輝山存稿序

輝山存稿者吳江蕭君玉甫所作詩集也余始識其嗣子英子英出示此編誦之清新警策句律嚴整皆有補于世道非徒作也作詩無補於世道風雲月露牛鬼蛇神抽黃對白訂巧搜奇可無作也三百篇之作上而君相下而才人女子小夫賤隸皆在所不論但取其有補於世道者存之後世之士人人能詩唐宋以來作詩者不知幾人傳世至於今日

者裁幾集夫其所以不傳者以其作無補于世道也君玉甫握瑜懷璞韞而不沽發而爲詩皆補于世道之作黃壤埋玉樹者有年矣悲夫繼述有子乃能發潛光幽傳之於不朽實陽公雍伯之田亦果有可種之理者耶近世澗石以詩著者稱張鄧仇白子生雖晚皆嘗獲從之游獨以不及一識君玉甫爲恨嗚呼詩自虞廷廢載變而爲五子之歌雅頌變而爲國風西京變而爲六代盛唐變而晚唐

前宋變而後宋論詩至此可以三嘆也安得起居玉甫于九原以此論質之至順二年龍集辛未夏五月十一日龜蒙木學詩者孔濤序

蕭輝山存稿目錄

五言律

間居

秋思

挽張省元

次林雲

七言律

春思

題棋臚圖

餞張大使游淮

春日

晚興

紙帳

九日風雨

旅思

齋中偶懷

寄梵天方丈古巖

山居詠

夜過吳江

五言絕

遊西庵

冬夜

贈寂堂和尚

秧針

七言絕

贈竹泉

白牡丹

送同方山赴何平章辟

題畫

蕭輝山存稿

十五世孫
雲程恭訂

元吳江蕭國寶著

明同邑史 玄聞

閒居

開扉對東臯逸興覺偏豪
積雨苔痕合殘陽樹影高
獨醒無酒積多病爲詩勞
學得安貧法悠然讀楚騷

秋思

閒看浮雲白臨風清且涼
烟林含紫翠霜菊間青黃
遠浦沉孤鷗荒郊宿野航
心空隨地靜木石自相忘

挽張省元

不作長谿夢嗟君抱道窮
涼翻梧葉雨冷曳荻花風
鏡裏誰爲主書中少此翁
涕零千古恨歲月伴長松

次林雲

幾載棲霞外蕭蕭已暮年
高眠擁布衲清思寄梅箋
道在思元亮詩成夢惠連
從茲語黃

葉莫爲落風前

春思

四郊雲物望中迷徙倚微吟信杖藜
暖入池塘蛙作市風生庭牖燕營栖
殘紅匝地春何賴遠綠茸天草欲齊
且喜青帘邀客醉杖頭忘却板橋西

題棣牖圖

能移孤質與人看醉墨淋漓似未乾
雲擁角巾山塢暖水摧藤杖野橋滿
書中姓字鄉多異畫裏精神瘦一竿
踏碎蒼苔吟不去春風應笑帶圍寬

饒張大使游淮

竟夕相懽無俗賓悲歌彈劍壯青驂
一蓬夜雨家山夢千里春風淮海身
纔解河橋楊柳客酒沽村店杏花新
此行早獻安南策露布爭傳奪虎巾

春日

東風竟日掩柴關
讀罷離騷新火烟
一簞落

紅春掃地半篙新綠水連天夢魂枕上驚蝴蝶鄉思燈前怯杜鵑祇爲儒冠空白髮幾將心事賦歸田

晚興

翻盡殘書已落暉樵歌引我出柴扉江橫露氣吞漁艇風挾秋聲動羽衣沙草荒涼黃犢臥渚花蕭瑟白鷗飛斷雲數片無拘束滿目青山入翠微

紙帳

何必藏身是竹叢颯然聲動若松風牀頭易罷秋雲白枕上詩成曉日紅衾影冷回機事息瑤光浮動病魔空幽人正作梅花夢未許繁英一綫通

九日風雨

無端風雨路漫漫合作重陽一日寒酒帶儒酸休怪更花含客淚欲辭官菴聲強聒江城晚雁影橫沉塔水寬閒就竹牀成一夢小兒偷爲整頰冠

旅思

旅況無聊意獨深只愁衰老病魔侵壯圖已失思投筆閒事相妨廢鼓琴黃葉西風鴻雁信平蕪遠水白鷗心孤燈熠燿當窗月且趁黃昏了短吟

齋中偶懷

終歲斃斃賦子衿問來鼓瑟寫胸襟西風枕上還家夢夜雨燈前教子心自笑吹竽因濫祿誰知點石解成琳相思兩地黃花徑滿目

蕭蕭試越吟

寄梵天方丈古巖

次韵

方將飛錫思匆匆竟夕蒲團月影重剖破蒲籬花雨散心歸蓮社色身空樓禪石暖雲生衲載酒船香雪滿篷簫盡殘經無字悟覺來幡動不關風

山居詠

殘紅零落鳥無言結竹爲籬夢石喧雨漬短垣茸草色水涵空石露蒲根風搖碎影春將

畫烟裊深林月欲昏冷硯久荒時一洗墨香
狼籍引魚吞

夜過吳江

西風颯颯一帆輕路入松陵夜正清市戶殘
燈臨水影漁邨短笛隔雲聲丹楓葉落霜初
肅白葦花開月倍明我有元龍豪氣在四橋
波浪不須驚

遊西廡

偶爾叩禪關塔前綠未刪鐘聲出古寺僧對

落花間

冬夜

虛室寒侵骨疎梅月影牀三更孤雁淚悲怨
不成行

贈寂堂和尚

冷雲和衲定悟到覺身輕地靜人偏勝山空
水亦靈

袂針

徑寸含靈氣生民賴以存翻嫌筆耕者無力

補君恩

贈竹泉

偶到幽篁碧水尋一泓寒影綠森森山中應
與猿同夢試看成龍作雨霖

白牡丹

宮粉凝成自落陽霓裳漫舞倍輕狂從來紅
紫香閨冷不若林泉理素妝

送周方山赴何平章辟

野橋分袂語盤桓柳陌花迎自改觀芳草陽

關無限意便鴻可寄數琅玕

題畫

半山蒼靄鍊招提托宿僧寮路欲迷惟有曉
鐘遮不斷數聲吹落小橋西

蕭漸子詩稿序

吾友湯俊民時稱蕭漸子者其人不步時趨
得此可以無見古人後俊民入秦不返忽忽
將十年矣我不得俊民而見之得見俊民之
善者而交焉如遇古人也求見漸子甚切而
艱於一面意漸子非吾地人耶偶見邑令尹
齒及顧扶宗舉一行孝弟子員於闕廷以蕭
姓聞叩之而知卽漸子漸子固孝子也急欲
得里居過而問字竟無有哉吾已而如在垂

紅之水須去予家不五里室邇人遠漸子又
高士也我邑詩才近爲最盛座間屈指客有
首舉漸子以對索予一言弁首漸子則又詩
人也詩以道性情人無性情聲調雖工其於
風化奚關讀之亦令人易厭今人於根本既
傷人倫不修而徒奔趨沽名之是務我不知
性情於何存而云得古人之意殆不可信也
以漸子之高風而篤於孝行其得於性情必
多庶幾其有三百篇之遺哉漸子之先世輝

山先生舉于鄉從山陰官於我地因家焉以
詩名世今遺若干首漸子之品之詩蓋亦有
家傳有本之學而非競時之業也予於是益
念俊民之不我欺今而後如遇我俊民矣昔
崇禎己卯冬吳有涯題於毘陵舟中

葦菴稿目錄

詩

陳情詩

咏鳥

小窗漫咏

哭湯俊民

春晴

過報恩寺精舍

遣懷

夏夜泛歸

感遇

邊思

村居

登麗山湖快風閣

水際

寄楊孟宣

夜泊鷺脰湖

孫佺期齋中與沈孝曾談舊

九日口占

江上

送春

閒中率詠二首

貧衰辭

自贈

仙人行

乞竹

昭君怨

秋聲

讀蘇武傳

銘

杯銘

贊

雲長關公贊

葦菴稿

詩

陳情詩 并序

吳江蕭雲程著
同邑史 玄閔

雲程株守衡門樂饑自咏雖從事於
帖括實無志於功名况慈親踵喪繼
升斗安所用之豈遇 聖明崇獎孝
行秩宗顧謬以程 上聞自愧薄劣

無能報効繼母孤子甘旨款然故聞
詔不就聊自托於陳情云爾

學古非干祿我歌藁我篇何爲家
遭難慈親抱終天逝者嗟未申生者祈
彭年方懷瓶罄羞敢望鼎列線詎逢
天子恩博採山中賢煌煌下 明詔
輝輝炤園田自顧猶菲薄報君何以
全富貴非吾心功名已冷然

咏鳥

有鳥寄幽枝肅肅慎羽儀布心遠群俗常恐

來見疑有友教明訓飲啄自有宜樊籠一以
近同巢安所資多謝良友教欣戚亂予思不
觀高飛鴻飛鴻會羽垂余昔志霄漢轉受矰
繳歎何如守雌伏世網莫能施顧群雖寥寥
羽翼隨風散後雖長成老我故藩籬

小窗漫詠

經年寓數椽所喜蔽風雨無志車馬喧豈思
逐校兔性空忘寂寞識定掃塵霧俯仰理短
吟開窗值飛鷺

哭湯俊民

痛子遊京畿終于殉王師其人已云亡其名
千載知子雖在四方中腸戀所私欲歸赴高
堂軍內諱言之良朋愛莫助周親孰與隨望
風徒懷想聞計空京悲在昔施葛蘿今幸完
結襦吁嗟生死路哀痛及詩辭

春晴

雨歇花猶濺光生濕未收烟舒開小徑浪暖
逐孤舟帶力歌何有皇風誦見休青青山入

戶多病羨林幽

過報恩寺精舍

樹隔叢林古樓浮日月前
御花逢鹿女聽法
愧金仙洗鉢超生滅
焚香證聖賢我來清淨
所勝讀養生篇

遣懷

孤高行獨寒坐石意踟躇
有子難忘世無金
且積書不愁行世拙
仍愧理生疎寒暖春無
定時時念古初

夏夜泛歸

雲暖衆星逼涼生四望稀
孤帆隨浪沒小艇
帶潮飛漁火時明滅
客情自往還蓬窓斜月
下浩蕩醉荷衣

感遇

風俗年來變陰晴覺屢更
花繁芳氣遠澗細
水聲清高臥非因病深藏
豈爲名昨朝風未
息今日雨初停

遣思

秋風吹涼夜將士慘澹
緜不有韜鈴任安知
邊塞愁月高鳴戍艸露
冷滴荒丘遠畧無能
効徒懷永芭憂

村居

好道良獨苦飢寒亦已悲
墟荒驚客至性僻
少人知隱士衣冠異
貧家烟火遲涼風動秋
思無力强扶持

登麗山溯快風閣

高閣臨無地凭欄俯接天
人行野歛裡鷗逐
浪花前山向雲邊沒帆
從葦處穿莊生濠上
樂不及此悠然

水際

爲愛清流與世違蕭然獨
坐釣魚磯朝看東
渡迎初日莫見西山送
夕暉樹影參差猶泛
泛鷗群出沒自依依
當年孺子歌何在笑殺
狂生醉不歸

寄楊孟宣

一字師君數載餘年雖相
若道難如久違良

晤憐同調偶聯疑端幸起予秋老應添風水
恨時楊有北時窮空負洛陽書山中弦誦無
知己白社相將擬古初

夜泊鶯脰湖

溪邊晚色綠疑苔石砌平波四望臺雲濯長
空人語靜月明古渡釣船回梵鐘聲徹驚鷗
夢野火光浮炤客杯枕上有懷運不寐恍聞
驟雨入窓來

孫仝期齋中與沈孝曾談舊

憶昔同游意氣橫而今老大獨傷情久疎硯
石風雲渺偶讀禪書花雨生道氣最憐春色
晚心交猶喜歲寒盟花間語默惟修業經濟
他年屬老成

九日口占

遙知戲馬處已作白雲堆談笑驚黃葉功名
付酒杯

江上

悠悠此中水萬古流不已兩岸是誰家同端

出沒裏

送春

春光開復落幾許似殘霞芳艸無心伴時憐
負歲華

閒中率詠

經旬不出門笑語遠流務繁烟過前山顧影
傷春暮

其二

經旬不出門形骸息耳目芳蘭自芬香幽心
托空谷

貧交辭

浮交若桃李開落便忘春惟有歲寒梅芳情
直至今

自贈

安居貧亦好歲月松間老日奏無絃琴舍飴
默相笑

仙人行

歲月荷衣雪作花喬松爲伴爰朝霞丹成未

許人相訊醉臥青山綠水涯

乞竹

承君許我此君清特遣奚奴分數莖若使竿頭龍可化風吹雲影盡箏聲

昭君怨

臨別君門上王鞍胡王辦髮駕高駘一時許國笳聲動沙漠悲風萬里寒

秋聲

疎檣月落光正好幽人自遣胸中抱不知簫

瑟向何來松風吹動荒山老

讀蘇武傳

困守胡庭十九春寥寥秋雁泣孤臣歸來兩鬢皤然老出使從來少此人

銘

杯銘

母作懽懽則敗母爲肆肆則壞虛能受滿則覆覆水難收覆身遺醜慎之戒之無爲君子

所詒

贊

雲長關公贊

漢壽亭侯英偉獨秀秉燭堅貞莫夜如晝顯
懾華夏默持宇宙精誠格天功勳垂後歷萬
斯年誰與馳驟

輝山存稿一卷

浙江鮑士恭家藏本

元蕭國寶撰國寶字君玉號輝山山陰人流寓吳江其集乃至順二年其嗣子英所編次而孔東澍爲之序稱其詩清新警策句律整嚴然此本所載僅二十四首爲明崇禎間其裔孫雲程重編疑舊稿散佚雲程掇拾成之故所存止此也書僅五頁不成卷帙已見於顧嗣立元詩選中故不復錄焉

十笏草堂詩選十一卷（存
五卷）辛甲集八卷上浮
集四卷

〔清〕王士禛撰

北京圖書館分館中國科學院圖書館藏清

清初刻增修本

附《四庫全書總目·司勳五種集
二十卷》提要

新作見示所言自都赴萊感慨係之然此非所以
限子底也。人格老其思深視前此益進余因笑謂
子底昔子建有言吾不能妄歎恐後世之嗤余也
今幸遇君詩卽極贊可無恐子底近彙選吾掖人
詩爲濤音集評次之際所論古今升降諸家得失
之故衡稱縷分犁然指掌宜其自運之精且卓耳
使今海內修詞之士知當世固自有詩焉如是無
遂謂古人不可作也